

Transkription von Stadtbucheintrag SWN 1448b

Ort, Datierung: Schwerin, 1448-12-05

Signatur: Stadtarchiv Schwerin, Ältestes Stadtverlaßbuch, Abt. 11, Nr. 11743, fol. 28a

Inhalt: Brandesche: Schuldurkunde; Albert Seuerin: Schuldurkunde; Gherd Ghemmelyn:
Vertrag; Belouw: Schuldurkunde; Hermen Hunnendorp: Schuldurkunde; Pawel Herne:
Schuldurkunde; Hans Iden: Schuldurkunde; Clawes Gudeman: Schuldurkunde

Bemerkung: 1448-1449

a ? helfte an syn(er) breiden landes den boue(n)sten vnde beleghe(n) twischen der Stad / dem(e)
ribenholte den acker mach wickendorp messen vnd(e) syne(n) mesz vtbuwen / sig(na)t(um) vt
p(ro)x(im)^e sup(ra) / ¹

Ite(m) brandesche is schuldich To(n)nyes Steimer(en) ? veftich lub(esche) m(a)rk dar schal se / em
vor(e) gheue(n) to renthe verdehalue m(a)rk alle Jar vppe su(n)te Mychaelis dach / dar settet se em
vor(e) tobewari(n)ge ere hus myt syn(en) tobehori(n)ge neghest vorscrifte(n) / vnd dat tosegghe(n)t is
een veerndel Jar(e)s tovor(e)n van beyder wege(n) Sig(na)t(um) ut p(ro)x(im)^e s(upra) / ²

Ite(m) albert Seuerin is schuldich albert alberd(es) vj lub(esche) m(a)rk dar settet he em vor(e) / ene(n)
morghen ackers de vppe dem(e) ostorper velde den acker mach albert messen / vnd(e) syne(n) mesz
vtbuwe(n) sig(na)t(um) vt p(ro)x(im)^e sup(ra) / ³

Ite(m) Beke(n)ne wÿ dat Gherd ghe(m)melyn hefft gedaen vnd(e) vornoghet Hans Bukowen / syn(er)
dochter Marie . dreihundert lub(esche) mark dar schal he em vor(e) doen de kameran vor / der doren in
synem(e) huse dat he em ge daen hefft to synem(e) leue(n)de vnd(e) ene bekosten / becleden vnd(e)
beschoen vnd(e) vurmer schicken dewile he leuet tom(e) r(e)chtem(e) lijffgedi(n)ge / we(n) ek dat
Gherd vorben(omen) sijck myt syn(er) docht(er) offte hanse erscr(euen) nicht v(m)me de / koff kost
wol vordrege(n) konde so schal Hans erscreue(n) Gherd ghe(m)melyne gheue(n) alle / Jar
veervndetwintich lub(esche) m(a)rk vppe su(n)te Michaelis dach vnd(e) holden em ene vrowe(n) / de
ene vorware vnd(e) bruken sijk der sijk der sulue(n) kameran we(n)ner ou(er) dat Gherd / vorscreue(n)
in got vorsteruet so schal houetsu(m)me vnd(e) lijffgedingk to sa(m)mede doet / syn vor borse vnd(e)
brake hebben gelauet H(er)men Hu(n)ne(n)dorp Clawes lutmer Hans / Jacobj vnd(e) Egghert bukow
myt en(er) same(n)den hand Sig(na)tum Mccccxlix Nicolaj / in p(ro)festo / ⁴

Ite(m) Belouw is schuldich Peter Jacobes veftich lub(esche) m(a)rk dar schal he em vor(e) / gheue(n)
alle Jar dre lub(esche) m(a)rk to renthe vppe sunte Michaelis dach Dar settet he / vor(e) tobewaringe
syn hus dar he y(n)ne wanet myt syn(er) tobehoringe in der ersten / scriff Sig(na)t(um) a(n)no vt
p(ro)x(im)^e s(upra) in vigi(lia) thome / ⁵

Ite(m) Herme(n) Hu(n)nendorp is schuldich Hans Knake(n)howersche(n) der olden
Borg(er)mester=/schen veftich lub(esche) m(a)rk dar schal he er(e) vor(e) gheue(n) alle Jar verdehalue
m(a)rk / to renthe vppe Su(n)te Mertens dach dar settet he er vor(e) tobewari(n)ge syn / hus dar he
y(n)ne ? wanet myt syn(en) tobehoringe in der ersten scriff vt p(ro)x(im)^e s(upra) / ⁶

Ite(m) Pawel Herne is schuldich dess(er) vorben(omeden) Hans knake(n)howerschen vefftich
lub(esche) / m(a)rk dar schal he er(e) vor(e) gheue(n) alle jar veerdehalue m(a)rk to renthe vppe /
Sunte Merteys dach dar vor(e) settet he er tobewaringe syn hus myt ? / syn(en) tobehoringe neghest
vorscrifften vt p(ro)x(im)^e s(upra) / ⁷

Ite(m) Hans Iden is schuldich der stad to Hildebrand(e) vicarien truw(er) hand twi(n)tich / lub(esche)
m(a)rk dar schal he alle Jar vor(e) gheue(n) dem(e) vicari(en) ij lub(esche) m(a)rk vppe winachte(n) /
dar hebben vor(e) lauet He(n)ningk vrittze vnd(e) Kersten vranke mýt en(er) same(n)den / handt ?
vnd(e) vor dat sulue lofte hefft Hans Iden erscr(euen) den vorben(omeden) He(n)ni(n)ghe / vnd(e)
Kersten(e) syn hus myt syn(en) tobehori(n)ge to bewari(n)ge neghest vorscrifften /

Ite(m) Clawes gudeman is schuldich ludeke Bennen twintich lub(esche) m(a)rk dar schal he / em
vor(e) gheue(n) alle Jar twe mark to renthe dar settet he em vor(e) syn hus / dar he ane wanet myt
syne(n) tobehoringe neghest vorscrifften vppe Martinj / Sig(na)t(um) Mccccxlix sabb(a)to an(te) Oculj
/ ⁸

¹ 1448-12-04

² 1448-12-04

³ gesamter Abschnitt im Original durchgestrichen, 1448-12-04

⁴ gesamter Abschnitt im Original durchgestrichen, 1449-12-05

⁵ 1449-12-20

⁶ gesamter Abschnitt im Original durchgestrichen, 1449-12-20

⁷ gesamter Abschnitt im Original durchgestrichen, 1449-12-20

⁸ 1449-03-15